

# D'Wäut

## 1.

Nochli umelauf, villiecht no öpis go chaufe  
S'I-Phone ischalt, d'Mail verwalt  
Mit de Flamme abmache, wo de wetsch ufwache  
Sie iilade zum gmeinsame Bade  
Ire verspräche, mit'me ufgsetzte Lächle  
Treui garantiere, dass sie nid tuesch verliere  
Schmuck & Chjleider chaufe, ir Stadt umelaufe  
De Platz markiere, Zuekunft garantiere  
(und du weisch es & Du seisch es und Du dänksch die ganzi Ziit)

Refrain:

**D'Wäut isch e Chueche mit Zuckerguss**  
**So schampar süess wie'ne Schoggikuss**  
**Doch drunter isch es Bisquit voll bitterniss**  
**Und ir Mitte findsch e Masse wo salzig isch**

## 2.

Ar Börse go schaffe, Chole aschaffe  
System ufrächt erhalte bim Zahle verwalte  
S'Liide ignoriere, s'Gwüsse verliere  
S'Dänke usschalte, d'Persönlichkeit spalte  
De Cool usehänke & di innerlech verränke  
Dich so präsentiere, dass nid chasch verliere  
Nochli wiiter lüg, nochli betrüge  
Vom ne Schnäppli profitiere, Filet mariniere  
(und du weisch es & Du seisch es und Du dänksch die ganzi Ziit)

## 3.

Denn go Golf spelle, Bätte ir Chele  
Uf jede Frag, esch Du en Antwort parat  
Üebe vom Spagat, s'Läbe isch privat  
D'Wäut isch Dir gliich, Du bisch ja riich  
Alkohol trinke im Nirwana versinke  
Am Morge ufwache, eifach wiitermache  
Alles vergässe, alli Verspräche  
Am Turm wiiter baue, de Macht vertraue  
(und du weisch es & Du seisch es und Du dänksch die ganzi Ziit)